

29

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第三十一

浚儀王應麟伯厚甫

聖文

御製賦

漢武帝所造賦

志上所自造賦二篇漢武帝

魏文帝戒盈賦

見藝文類聚文帝善辭賦

魏喜霽賦

文帝有喜霽賦云激清風以漂潦發皎日之陽暉見

哈佛大學漢和圖書館珍藏印

梁歷代賦

天監十七年周捨奉敕注武帝所製歷代賦啓周興嗣助焉隋志歷代賦十卷梁武帝撰

唐威鳳賦 懷昔賦

太宗與長孫無忌共艱難作威鳳賦以賜且况其功正觀政要作威鳳賦以自喻因賜房元齡楊琮與

秦王同聖居武德初為主府參軍德太子事平詔親

王宰相一人入宴而琮獨預太宗賜懷昔賦申以恩意文 苑英華云感舊賦初學記賦曰有一威鳳慈

翻朝紫霧夕飲玄霜資長風以舉翰戾天衢而高魏併征感德顧慕懷賢

唐藉田賦

見籍田類 高宗儀鳳二年 梁武帝有藉田詩

唐玉華宮賦

高宗為太子正觀二十二年二月引庶子少詹事司議舍人賦詩言志授筆制序翌日太宗以示王公司徒無忌對曰太子稟承天訓羣藝日新是歲太子制玉華宮山銘又獻玉華宮賦

唐元宗喜雨賦

見張說集 潔齋壇墀五精是祠暴立炎赫三日為
 期上帝臨我衷誠不欺重泉蒸潤觸石吐滋納清陰
 之浮言混和氣而飄灑感作霖於啟命諷其滂於周
 雅體雲行而雨施吾何事乎天下 張說等和者五
 人 韓休賦昭宸文於合璧式王度其如金 徐安
 正賦天舜之慶雲已發武帝之秋風莫比 賈登賦
 十有六年

唐宗宸慶受朝賀賦

會要 元和九年正月朔御製

恐是賦詩當考

太平興國平晉賦

鑾輿凱旋賦

四年五月己丑御製平晉賦賜從官皆令繼作又製
 平晉五七言詩各一首賜從官俾之屬和丁酉詔曰
 并門底定鑾輅凱旋宜崇衆善之因以紀一戎之業
 其行在所創為佛廟賜號平晉寺御製平晉記刻石
 建於寺內辛丑次榆次縣御製鑾輿凱旋賦賜從官
 令繼作癸卯製回鑾至側石書懷詩一首

淳化大言賦

四年八月一日行書賜蘇易簡曰宋玉遇楚王未足
 以為美易簡逢真主堪師法於後人今賜卿大言賦
 名四句曰少年盛世兮為詞臣古往今來兮有幾人

乾道御製春賦

三年三月癸卯賜宰執御製春賦上曰人主不可不知民事七月之詩陳王業艱難近嘗作春賦放蘇軾赤壁賦爲之大意言農事方興要使無失其時宰臣魏杞請窺聖作故賜之四年二月庚子賜宰臣蔣芾等辛丑芾奏聖學高妙虞舜之歌不能遠過賦畧曰吾將觀登臺之熙熙包八荒而爲家穆然若東風之振槁洒然若膏雨之萌芽心游造化之表寄妙用於無言洪邁跋曰乾道四年正月庚寅詔賜臣邁春

賦一首凡四百七十有二言雲漢爲章奎壁絢耀昭回之光下飾萬物臣拜而言曰古今能文者多矣惟廣大高明開闔造化然後足以爲帝王之文章帝王之文多矣惟經緯天地鼓舞動植然後足以盡聖人之能事元首之歌薰風之辭湯盤之銘方策所載昭然若揭日月漢祖沛中之歌高簡雄伉讀之竦然使人毛髮欲立武帝悼河功之不成作瓠子之歌紆徐屈折可以一倡而三歎然鴻鵠高飛之謳連娟修嫵之賦惑於嬪嬙心折氣沮彼二君者豈真帝王之所以爲文者哉陛下以天縱之聖高視萬古肆筆成書

震撼一世魏乎其如天煖然其如春嵩衡岱萃不足以為高黃鍾大呂不足以為清乾坤施生之妙陰陽動化之蹟探端索至發其機緘大哉言子直與詩書丘索相表裏天之斯文於是無復餘地 淳熙十三年三月乙未出御製春晝絕句賜邁四月辛亥和邁所進幸王津詩邁謂深得無逸之餘旨 唐太宗有首春詩

御製碑銘

黃帝銘

巾机法

孔甲盤盂

見著書類

漢志道家黃帝銘六篇雜家孔甲盤盂二十六篇

博學盛孟諸書應曰黃帝之
孔甲所作銘也

十六篇言盤盂中所以為法
七畧曰孔甲黃帝之史

記黃帝金人器銘曰武王問尚父曰五帝之戒

得聞乎尚父曰黃帝之戒曰吾居民上搖搖恐夕

及朝故為金人三封其口曰古之謹言 文心彫

黃帝刻與凡以弼違大禹勒筭簾而招諫 朱穆

黃帝作巾机之法孔甲有盤盂之誠 劉存事

始於秦也銘論曰黃帝有金几之銘
又選注引蔡邕論云云

此族不在銘典

禹筭簾銘

禹碑

萬曆十六年
蔡邕銘論
殷湯有甘誓之勒
賈誼新書
周武王丹書
誠書
銘
起居誠
武

湯盤銘

大德湯之盤銘曰苟日新日日新又日新正義湯沐浴之盤而刻銘為戒朱子曰湯以人之洗濯其心以去惡如沐浴其身以去垢故銘其盤一湯所以反之而三聖者正惟有得於此故稱其德有曰不邇聲色不殖貨利以義制事以禮制心從諫弗拂改過不吝與人不求備檢身若不及皆足以見日新之實至於一德而於復政太甲之初復以終始惟一時乃日

新為戒周之武王於几席觴豆刀劍戶牖莫不銘焉

蓋聞湯之風而興起者於常用之器各因事刻銘以

致戒欲其常接乎目每警乎心而不至忽忘也

子堯舜禹湯書其事於竹帛瑑之盤盂曰君子福大

而愈懼爵隆而益恭

湯其言皆依託也

曰舜之居人上矜矜如履薄冰湯之居人上翼翼懼

不敢息

湯曰學聖人之道者譬其如日

萬曆十六年
蔡邕銘論
殷湯有甘誓之勒
賈誼新書
周武王丹書
誠書
銘
起居誠
武

王几杖書

學記大學之禮雖詔於天子無北面所以尊師也注
 尊師重道焉不使處臣位也武王踐阼召師尚父而
 問焉曰昔黃帝顓帝之道存乎意亦忽不可得見與
 師尚父曰在丹書王欲聞之則齊矣王齊三日端冕
 師尚父亦端冕奉書而入負屏而立王下堂南面而
 立師尚父曰先王之道不北面王行西折而南東面
 而立師尚父西面道書之言疏曰皆大戴禮武王踐
 阼篇大戴禮唯云帝顓帝之道無黃字或古本不與
 今同丹書者師說云亦雀所銜丹書也云師尚父亦

端冕案大戴禮無此文鄭所加也其書之言曰敬勝

怠者強怠勝敬者亡瑞書云敬勝怠者言怠勝敬者

滅義勝欲者從欲勝義者凶與瑞書同矣後漢紀注引太公金

匱亦有敬儀二句此四句亦見荀子凡事不強則

枉不敬則不正枉者滅廢敬者萬世以仁得之以仁

守之其量百世以仁得之以不仁守之其量十世以

不仁得之以不仁守之必傾其世王聞書之言惕然

若懼退而為戒書於席之四端為銘及几鑑于盥盤楹

杖帶屨劔矛為銘銘皆各有語在大戴禮丹書凡三

樂必敬為十六銘之節傳心之要也大戴禮武王踐阼第五十九武

吉嘉靖庚戌年補

王踐阼三日召師尚父而問焉云云道書之言曰敬
 勝怠者吉云云敬者萬世藏之約行之行可以為子
 孫常者此言之謂也且臣聞之以仁得之云云王聞
 之惕若恐懼退而為戒書於席之四端為銘曰安樂
 必敬無行可悔一友一側亦不可不志所監不遠視
 爾所代机之銘曰皇皇惟敬口鑑之銘曰見爾前慮
 爾後盥盤之銘曰與其溺於人寧溺於淵溺於淵猶
 可游也溺於人不可救也楹之銘曰母曰胡殘其禍
 將然母曰胡害其禍將大母曰胡傷其禍將長杖之
 銘曰惡乎危於忿恚惡乎失道於耆欲惡乎相忘於

富貴帶之銘曰共則壽履屨之銘曰勞則富錫豆之
 銘曰戒之憍憍則逃戶之銘曰名難得而易失牖之
 銘曰隨天之時以地之財敬祀皇天敬以先時劔之
 銘曰帶之以為服動必有德弓之銘曰屈申之義發之
 行之無忘自過矛之銘曰造矛造矛少間弗忍終身
 之羞余一人所聞以戒後世子孫注照厥孫謀以燕
 太公金匱武王曰吾隨師尚父之言因為書銘隨
 身自誠其冠銘曰寵以著身不正為咎書履曰行必
 慮正無懷僥倖書劔曰常以服兵而行道德鏡曰以
 鏡自照則知吉凶書車曰自致者急載人者緩取欲

無度自致而反書鋒曰忍之須臾乃全汝軀書刀曰
 刀利皚皚無為汝開書井曰原泉滑滑連旱則絕取
 事有常賦歛有節硯之書曰邪心諛言無得汗白牖
 之書曰闕望審且念所得可思所忘 詩正義中侯
 我應云季秋之月甲子赤雀銜丹書入豐止於昌戶
 是類謀曰受赤雀丹書油入戊午歲二春秋元命苞
 曰鳳皇銜丹書於文王之都丹書命云維授金鈴師
我膺云季秋二月甲子赤雀銜丹書入豐至昌戶再
拜稽首受 謝正義又云大戴禮說武王盤盂几杖
皆有 史記正義尚書帝命驗云季秋之月甲子赤
 爵銜丹書入于豐止于昌戶其書曰敬勝怠者吉義

勝欲者從以仁得之以仁守之其量百世與踐阼呂

氏春秋文王見火烏御丹書集於周社故色尚赤淮南

子至德之世 晏子春秋公游於紀得金壺發而視

之中有丹書曰食魚無反勿乘駑馬晏子曰食魚無

反毋盡民力乎勿乘駑馬無置不肖者於側乎公曰

紀有書何以亡也對曰君子有道垂之間紀有此言

注之壺不亡何待乎 鄧析子湯有司直之人武有

戒謹之銘 後漢朱穆傳上疏曰古之明君有輔德

之臣規諫之官下至器物銘書成敗以防遺失注黃

帝作巾机之法孔甲有盤孟之誠太公陰謀曰武王

衣之銘曰桑蠶苦女工難得新捐故後必寒鏡銘曰以鏡自照見形容以人自照見吉凶觴銘曰樂極則

悲沉湎致非社稷為危唐羅衮曰太公陳觴鏡之銘崔駰傳銘

諸几杖刻諸盤杆注太公金匱陰選注引武王曰吾欲

造起居之誠隨之以身几之書曰安無忘危存無忘

亡熟惟二者必後無凶杖之書曰輔人無苟扶人無

咎几杖之銘見於太公金匱之書而注於後漢崔駰

又有長太平御覽太公陰謀武王曰吾欲造起居

之誠隨之以身箒書曰馬不可極民不可劇馬極則

躓民劇則敗金匱門之書曰敬遇賓客貴賤無二戶

之書曰出畏之入懼之鑰之書曰昏謹守深察訛

蔡邕銘論武王踐阼咨于太師作席几楹杖器械之

銘十有八章周廟金人緘口書背銘之以謹言所以

勉令德也文選注蔡邕銘論曰武王踐阼咨于太師

而作席机楹杖雜銘武王金版銘見銘類唐歸

崇敬傳言春秋釋奠孔子皇帝北面揖以為太重宜

准武王受冊書於尚父行東面之禮宋朝寧宗初

紹熙五年閏十月戊午侍講朱熹講大學五盤銘日新因論武

王有冊書皆人主憂勤警戒之意上曰近有人進此

書蓋黃庭堅所書也武王始克商訪洪範於箕子

萬曆癸未年補刊

始踐阼又訪丹書於太公可謂急於問道矣 孔子
贊易於坤之六二曰敬以直內義以方外自黃帝而
武王自武王而孔子其一道與 怠欲既泯敬義斯
存直方以大協德于坤

周鍾山銘

穆天子傳

觀臨鍾山

一作春山

乃為銘跡於平圃之上以

詔後世

謂刊石紀功

紀名迹于弇山之石曰西王母之山

登贊皇山以望臨城

山海經穆王至崑崙之丘眺

鍾山之嶺勒石西王母之山絕迹元圃之上

文心

彫龍周穆紀迹于弇山之石

集古錄贊皇壇山有

穆王刻石曰吉日癸巳

文粹夏后開宛委之圖周

穆紀春山之石

水經注碣石山漢武帝登之以望巨海而勒其石

漢四皓碑

見後

唐晉祠碑

唐叔虞祠也高祖初起兵禱是祠太宗為立碑 正

觀二十年正月幸晉祠立碑製文親書於石

金石錄

太宗製并行書二十年七月

唐王華宮銘

萬年宮銘

萬年宮銘 萬年宮銘 萬年宮銘 萬年宮銘

會要正觀二十二年四月太宗御製玉華宮銘令皇太子已下並和永徽二年九月改九成宮為萬年宮五年三月一云五月親製萬年宮銘并序七百餘字羣臣請刊石建于永光門從之金石錄在鳳翔麟遊縣行書永徽六年五月

唐底柱銘

太宗見後金石錄有御製溫泉銘司馬公曰唐太

宗刻銘底柱之陰魏鄭公撰字幾沒然殘缺僅可讀

唐慈恩寺碑

顯慶元年四月戊申御安福門樓觀僧元獎等迎御

製書慈恩寺碑文

唐游儀銘

集賢注記開元十二年沙門一行造黃道游儀成以進上御製銘學士陸去泰奉勅題製造年月及工匠姓名于盤下御書填以金字餘題記填以銀字

唐華岳祠碑銘

呂向傳元宗勒石西岳詔向為鐫勒使會要開元

十二年十一月四日庚午上幸東都十日至華州命刺史徐知仁與信安土禕勒石華岳祠南道上御製碑文仍書之明年七月七日碑成張應天門以示百

僚銘序曰十二載孟冬之月通典十三年於華州

岳祠南立碑實錄開元十三年五月戊戌以親製

西嶽碑示百寮有五色雲見于前文粹又有御製

后土神祠碑銘皆張說之辭也

唐紀泰山銘

開元十三年十一月有事於泰山上製紀泰山銘親

扎勒石於石壁金石錄八分書十四年九月又有龍

角山紀聖銘開元十七年九月

太宗作魏證碑正觀十七年正月高宗作李勣碑

儀鳳二年十月明皇作張說碑開元十八年德

宗作段秀實碑興元元年崔圓為蜀留後元宗親

製遺愛碑以寵之司馬子微謚正一先生親文其

碑又親製一行碑文并書於石東都聖善寺中宗

為太后追福自製碑

唐紀功碑

李晟復兩京帝紀其功自文于碑敕皇太子書立于

東渭橋晟謝表云上援彥範次述子儀帝皇擒

莽執獻諸朝帝製紀功碑褒賜之

唐鍾銘

西域傳摩揭它本中天竺屬國正觀二十一年始遣

監生 卷三十一
使自通高宗遣王元策至其國摩訶菩提祠立碑後
德宗自製鍾銘賜那爛陀祠 **金石錄**天寶三載六
月明皇撰真源觀鍾銘八方書

唐宸宸台衡銘

馬燧傳燧平河中正元元年還太原德宗賜宸宸台衡二

銘并序以言君臣相成之美勒石起義堂西偏帝榜其

顏以寵之會要云止為題額宸宸銘曰求賢惟廣辦理惟

精逆心拂志必嘉乃誠順旨苟容亦察其情斥去茲

諛全度中正凡將有為靡不三思喜怒以節動靜以

時台衡銘曰天列日星象垂於人聖人則天亦建

輔臣以翼以弼為衡為鈞如耳目應心如股肱運形
自求賢辦理至宣猷同德權德輿為燧行狀云正

元元年上賜杜希全君臣箴公奉表賀因賜是銘各

一首令男暢謝恩請揭而書於起義堂詔優荅曰比

夫盤盂自銘亦異輔佐同德 **會要**九年十月冊府元龜

云元年恐會要誤上以燧平汴宋魏博河中功益高賜二銘

并序 **文苑英華**燧請到御製箴銘曰援申甫以作

誠紹唐虞而追蹤日以勲賢稱其威武內以為子孫

藏外以垂金石刻

太平興國戒子銘

太宗九子與國八年並封上作戒子銘及詩賜之

太宗戒石銘

紹興二年六月癸巳詔有司摹黃庭堅所書太宗戒石銘勒諸堅珉徧賜守令命刻之庭石置諸坐右七月癸酉呂頤浩等跋洪邁曰景煥野人閑話首篇頒令箴載蜀王孟昶為文頒諸邑云凡二十四句唯經表出者詞簡理盡遂成王言太宗書此以賜郡國立於聽事之南謂之戒石銘銘曰爾俸爾祿民膏民脂下民易虐上天難欺

至道製趙普碑

至道三年六月製韓王趙普神道碑銘親八分書以

賜之并篆額人謂三絕

皇祐二年六月製太師中

令隴西郡王李用和神道碑仍篆曰親賢之碑仁

宗御集有銘六卷

祥符泰山銘贊

會真宮碑

泰山述二

聖銘

汾陰配饗銘

祀汾陰聖製

上

清宮銘

明道宮碑

祥符二年五月戊午對輔臣於後苑出御製御書登

泰山謝天書述二聖功德銘司命天尊仁聖天齊王

周文憲王玄聖文宣王讚玉女像記示之十月丙午

遣內侍以御製泰山銘贊九軸賜丁謂葉尋分賜近

臣十二月辛卯出聖製會真宮碑示王旦等三年正月戊寅召近臣觀龍圖閣書又至資政殿出聖製會真宮碑九天司命天尊殿銘泰山重脩聖像記上又製五言詩一首賜王旦等和晏殊作東封聖製頌見前四年二月辛酉祀汾陰壬戌上作汾陰二聖配饗銘河瀆顯聖靈源公西海廣潤王贊示輔臣又作七言詩賜留守向敏中三月壬午幸上清宮作上清宮銘及七言詩示近臣八月壬戌詔輔臣於後苑觀御製御書祀汾陰二聖配享銘記十八本九月辛卯內出聖製祀汾陰碑銘贊記凡十八本於朝堂示

御碑銘

百官從御史趙湘之請也丁謂晁迥李宗諤楊億等十三人咸上歌頌以贊盛美詔褒之五年五月辛卯對輔臣于崇政殿觀御製汾陰銘贊七年七月御製朝謁太清宮頌京頌明道宮碑聖祖殿等銘贊示近臣八月丁丑於景福殿示輔臣十月己未詔奉祀陪位五使導駕扈從官勒名碑陰書目真宗御集銘六卷碑銘六卷贊八卷頌六卷

祥符宗室坐右銘

祥符三年九月時帝親製五箴以自儆判宗正寺趙湘日對請御製文以戒宗室使知孝悌恭儉之節

宗室風化所本宜有以訓屬願特製銘以賜南北邸丁亥上作宗室坐右銘并注分賜寧王元倓以下因謂近臣曰凡為童稚時訓導之為益且久苟聰悟者讀書便能成誦終身不忘朕舊在藩邸先帝令朕遵行然宗子既眾當須輔導得人自今十歲以上並令入學委時大雅教之判宗正寺趙湘請朕著歲以戒之又以示宗室因製此銘以申誨導可付學士院降詔賜之寧王等亦降詔諭意分賜并及湘諭之曰卿宗姓也故有此賜會要與實錄同

祥符龍門銘

祥符四年祀汾陰回三月癸未幸西京龍門山諸寺作游龍門詩有寶塔一新輝勝槩玉毫飾罄殊功之句又作龍門銘

祥符內藏庫銘

祥符四年九月辛未朔壬申上作內藏庫銘述先帝節用愛人之意初命陳彭年撰記彭年表請聖文故從之五年八月辛丑幸內藏庫觀所立聖製內藏庫銘高述儲峙之通規昭祖宗之懿範元豐有景福殿庫詩

天禧會靈觀銘

天禧元年二月戊寅作會靈觀銘元符觀頌思政論
四年十一月癸丑賜輔臣會靈觀銘石本晏殊謝
表漢章鸞藻述真宇之有嚴龍篆龜趺播天聲於不
朽

大禧乾文殿聖製碑 脩河碑

四年二月癸未朔詔滑州新建僧院賜名福寧院御
製碑文以寵之作乾文殿以奉安聖製碑石丁酉滑
州言決河塞丙戌上作滑州脩河碑示近臣己亥以
河平致祭庚子群臣詣崇德殿稱賀

熙寧製韓琦碑

御銘

熙寧八年十一月御製尚書令韓琦碑以寵勲舊

崇寧帝鼎銘

三年十月戊午

淳祐訓廉謹刑銘

章聖七條

熙陵戒

石十六字

四年正月一日御製謂祖宗以仁立國以禮義廉耻
待士大夫而有位者或淫于刑或冒于賄爰作二銘
以儆以訓謹刑銘民吾同胞疾痛猶已報虐以威
刑非得已仰惟祖宗若保赤子明謹庶獄惻怛溫旨
金科玉條豪析銖累夫何大吏蔑棄法理逮于郡邑

濫用笞箠典聽朕言式克欽止 訓庶銘周典六計
 吏治條陳以庶為本乃良而循彼肆貪虐與豺虎均
 肥于而家多瘠吾民縱道於法愧其冠紳貨悖而入
 蓄及後人我朝忠厚黜貪為仁咨爾群辟是訓是遵
 銘者名也因其器名書以為戒 帝堯作龜書靈后
 氏象形篆以銘鍾鼎事始

御製箴贊頌

堯戒

淮南子人間訓堯戒曰戰戰慄慄日謹一日人莫躓
 於山而躓於垤 孟子放勳曰勞之來之匡之直之

御銘

始之冀之德自得之又從而振德之 賈誼新書脩

政註帝堯曰吾存心於先古加志於窮民帝舜曰取
 之以敬得之敬 隋志議緯堯戒舜禹一卷

皇王大紀黃帝作輿几之箴以警宴安作金几之箴
 以戒逸欲 又記趙良曰虞舜有言曰自卑也尚矣

夏箴

周書文傳解第二十五文王受命九年時樂春在

鄒召太子愛曰吾語汝所保所守厚德廣惠忠信
 人君子之行 夏箴曰中不容利民乃外次

堯戒 禹之箴戒 堯戒 禹之箴戒 堯戒 禹之箴戒

國竭... 夏歲曰小人無兼年之食遇天飢妻子
非其有也大夫無兼年之食遇天飢臣妾與馬非其
有也國君無兼年之食遇天飢百姓非其有也
三年其有言必有一年之戒之哉弗思弗行至無日矣
有十年之積者三年之積者五年之積者
文注周書夏歲曰小人無兼年之食妻子非其妻子
也太平御覽引之
文心彫龍夏商二箴餘句頗

有訓... 魏絳述夏訓晏子述夏諺
三十七篇傳言為所作其文似後世語師古曰倉古
五子之歌述大禹之戒其一曰皇祖
漢志雜家七命

墨子夏書曰萬十年水周書曰國無三年之
食者國非其國也家無三年之食子非其子也
賈誼新書大禹曰民無食也則我勿能使也功成而
利於民我弗能勸也
胡廣百官箴然曰墨子著書
稱夏歲之辭
後魏李彪曰傳著夏氏之箴

太宗製晉史撰二帝及陸機三義之贊

唐太宗凌煙閣功臣讚

志一卷

唐睿宗漢高祖讚

初學記赫赫漢祖應若與雲

唐顏子贊

見釋奠類 金石錄孔子弟子贊明皇與宋璟等撰
元和十年十一月孟簡立又睿宗撰老子孔子顏子
贊

唐開元十八學士贊

開元十一年麗正學士進詩上嘉賞之自燕公以下
十八人各賜贊以褒美之初曰得所進詩甚為佳妙
並禮才能畧為贊述上自於五色綫八分書之更鳳
翔寶院散付學士尋初畫象書贊於含象亭直駕

東行 又見圖類 十八學士各及贊 並見後

唐起義堂頌 啓聖王宮頌見宮室

開元十一年正月辛卯幸并州上親製起義堂頌及
書刻石紀功于太原府之南街 詳見堂類 姬詠周
原劉歌沛邑於昭義堂誓衆奠始天命所起于胥頌
美

唐鶴鳴頌

寧王意傳元宗時有鶴鳴千數集麟德殿廷木魏光
乘作頌以為天子友悌之祥帝喜亦為作頌 頌云
我所息宴桂宮蘭殿九月辛酉雍渠伊見一飛鳴行搖

在原之趣急難有情逼之不懼顧惟涼德天下所效
友于競賢實以為教魯衛分政遊虞其睽一召之至庭
邕邕怡怡尊收御節寒露微結觀此翔禽我心以悅
昆季縱目詠詩常棣良文爰褒有勲虛昧
詩云神藻飛為鶴鷄賦
金石錄鶴鷄頌明皇撰并
行書

唐陝州聽事贊

盧貞傳為陝州刺史開元二十四年帝西還次陝嘉
其美政題贊於聽事曰專城之重分陝之雄亦既利
物內存匪躬斯為國寶不墜家風尋召為兵部侍郎

叔饒宰相

金石錄明皇撰并行書開元二十四年

十月

唐開元令長新戒

通監二十四年二月甲寅宴新除縣令於朝堂上條

令長新戒一篇賜天下縣令集古錄元宗自擇縣

令一百六十三人賜以丁寧之戒天下為縣者皆刻

石今所得凡六河內至舞陽金石錄又有開元一

十六年六月誠牧宰勅令長新戒曰求令長保

天下人人之所為必有所因侵漁浸廣賦役不均使

夫離散莫保其身徵諸善理寄爾良臣與之章故政

推新調風變俗背偽歸真教先為富惠恤於貧無
大無小以躬以親責躬勸農其惟在勤墨緩行令孰
不敬遵曷云被之我澤如春漢表云萬戶以上為
令減萬戶為長

唐汜水紀功頌

見紀功

唐君臣箴

奉天之狩朔方節度使杜希全分兵赴難賊平正元
力年十二月遷檢校尚書右僕射靈靈寺州節度使
獻體要八章從切政病帶嘉納之賜君臣箴一篇

會要載箴云從諫則聖共理惟賢

虞以虛

心期盡忠而納誨在昔稷契實正舜禹

魏證佐

成皇祖戀闕方其嘉言乃昌詞高理要入德

知方總

彼千慮被于八章汝其夙夜明保朕躬華成

仰德時

乃之風

唐政刑箴

崔位賀聖製政刑箴表云致理和平濟人壽域猶懷
兢業重設歲規酌裁成立政之中求司牧措刑之本
信成康之能事蓋堯禹之用心可以萬邦作孚千載
垂範金石不朽日月俱垂勤萬機於一日二日立盛

德宗先天後天

金石錄

德宗撰政刑箴八

分書正

元六年四月十二月

舊史

正元十二年十二月

乙未

上者政刑箴一首以聽政之餘深思理本

德宗謚

冊云政刑有歲宸康有銘煥乎文明之化成也

遠隆御製先聖二贊

國初增修國子監學舍修飾先聖十哲畫像七十二

賢及先儒二十一人像于西東廊之板壁

十一月巳巳上幸學御製先聖文宣王乃

公贊十哲以下命兩制分贊之唐開元七

二子於壁上作顏子贊而已書目國子

二卷太祖吳宗御製及羣臣分撰文宣武成王二廟

贊八文宣贊曰尼父挺生河海標異祖述堯舜有德

無位梁元帝自圖宣尼像為贊而書之

太平興國戒子篇

太平興國初太宗至東宮出戒子篇命皇子侍讀郭

贊注箴且令委曲講說以諭諸王本傳

端拱修身箴淳化賜進士箴

端拱三年三月壬寅御崇政殿親試進士陳堯叟等

賜第上作修身箴賜之勉以脩身謹行稽古効官之

意初內殿策上賜詩至堯叟始易以箴淳化三年

三月癸卯賜進士孫何等御製箴一首丙辰賜宴瓊林苑又賜御詩三首己酉又賜儒行篇為座右之戒詩箴並賜時論榮之唐故事禮部放榜新下之日為開喜宴於曲江近世多於名園佛廟

淳化祕閣贊序

淳化三年五月甲寅詔增修祕閣八月壬戌朔宴宰臣李昉以下于祕閣三館與馬上作詩以美其事已而祕書監李至上表乞御製贊以光祕府上許之仍以六體親書贊文并序及篆額刻石一本云閣成帝作贊賜之李至上表請以御製篆贊刻石祕閣帝以率

臣前

請又重違至意詔曰近以延閣新成多暇以善贊詠以美成功遠覽封章願刊寫石再成不朽良積厚頌其贊并序當親書篆額以送祕府

景德龍圖閣贊

祥符瑞物閣贊 見

景德二年四月戊戌上閱太宗御書於龍圖閣作詩命近臣應制及命李宗諤作序庚子又作龍圖閣贊示諸臣

祥符文宣王贊

祥符元年十月二十六日詔以祀號介在觀風廣惠以十一月朔旦幸曲阜縣謁文宣王十一月戊午上

服靴袍詣文宣王廟內外設黃麾仗孔氏家屬陪列
有司定儀止蕭揖上特再拜又幸叔梁紇堂命刑部
尚書温仲舒等分奠七十二子先儒暨叔梁紇顏氏
上制贊刻石廟中復幸孔林以樹木擁道降輿驟至
文宣王墓奠拜詔加謚曰至聖文宣王祝文進署仍
修葺祠宇給近便十戶奉營廟又詔留親奠拜祭若
翌日又遣吏書張齊賢等以太牢致祭賜其家錢三
十萬帛三百疋以四十六世孫同學究出身聖祐為
奉禮郎近屬授官及賜出身者六人又追封叔梁紇
為魯國公顏氏為魯國大夫伯魚母并官氏為鄆

國大夫人先是詔有司檢討漢唐褒崇宣聖故事欲
追謚為帝或言宣文周之后臣周止稱王不當加帝
號故第增羨名春秋孔圖曰孔子毋感黑帝而生故
曰玄聖莊子曰恬淡玄聖素王之遺教取以茲稱二
年五月戊午以御製御書玄聖文宣王讚示朝臣六
月丙午詔刻于石壁天禧五年六月己未國子監請
以聖製贊及詔命洎近臣所撰十哲七十二賢贊鏤
版流傳從之又為周文憲王贊昭烈武成王贊
會要祥符二年五月戊午製文宣王贊示近臣十一
月中書門下言欲依張齊賢向敏中王嗣宗等乞觀

御製文宣三武成王等贊及令丁謂等於廟堂宣示
百官帝曰此但紀一時事何足於廟堂宣示宰臣三
言著言君父聖作臣子願觀未許旦等再三陳上許
之聖曰務賢者奉衣稱謝崇文日總集始於兩廟
贊文一卷式墓而荆棘自辟升堂而絲竹如聞
殊頌

祥符禮選贊

太宗時邢昺嘗纂禮選以獻其後真宗閱書禁中得
其本作贊以示近臣 實錄祥符三年五月乙巳上
作禮選贊賜侍講學士邢昺

祥符自戒箴 守官箴

祥符三年三月丁酉上謂王旦等曰朕自北邙和好
邊陲無事然居安慮危未嘗敢自逸每為文以自儆
置座右朝夕觀之因出貴廩食吟軫田夫吟念農歌
自戒箴守官箴以示旦等 御製五箴在後即此箴

祥符大書周伯星贊

三年十二月丁巳作二贊

祥符廣孝泉贊

祥符四年二月甲子駕駐河中京觀祥井賜名廣孝
泉修飾欄檻禁民慢褻二井南北相連可秉炬而入

史記所謂穿空旁出者也公府中井脉皆鹹獨此水
甘美俗傳飲者愈疾帝作贊記之又命王欽若作記
改舜泉坊曰廣孝坊五月於其側建廟

祥符西嶽真君贊 景靈宮頌 南京頌

四年二月二十日作 景靈宮頌見祠宮 南京頌

見銘類

大中祥符頌

祥符四年八月乙丑學士李宗諤請聖製左承天祥
符門碑從之先是天書降即詔增葺宗諤以錫符之
地當有聖作上謙遜久之於是作大中祥符頌以宗

諤所撰文刻于碑陰 元年四月丙戌御製景靈宮
贊頌刻石

祥符真遊頌 朝謁太清宮頌 元符觀

頌

五年十二月乙酉作真遊頌示近臣七年七月戊辰

五製朝謁太清宮頌明道宮碑聖祖殿銘九年四月

庚戌作元符觀頌刻石天禧二年正月辛亥出元符

觀頌示輔臣七年七月壬子脩真遊殿本名延恩

以聖祖臨降因以題榜于謂請御書殿頌

祥符賜內侍箴

祥符六年三月甲戌上作內侍殿并注釋賜都知閣
承翰等六指以內懷祗謹乃可事若其或輕率必當
陪刑辟而笑身苟能請專無或殺朕之望也監治
軍戎唯在甘苦一同臨蒞之務兼濟盡使于外本自
無感苟假朝廷之威人之奉爾蓋為朝廷或不矜伐
堂守禮度不自專無常憲法制則外人見仍加欽重
薄命入對勿希旨勿附辨但存公平之道常持正直
節儉思直不為奢侈之事切思矯偽勿思遲遲爾有
勤勞國家必以官報爾不来自至也承翰請刻石本
省從之慶曆中孫沔奏太宗著令式之文其宗述

歲規之訓

祥符五歲 坐右文

趙湘判宗正寺時帝撰五歲自徽_{一本云}祥_{一本云}湘因
宗室風化所本宜有以訓厲帝悅為撰宗室坐右銘
見上三年三月丁酉上謂王曰曰為文自警置諸坐

右

祥符太宗聖文神筆頌 六閣圖書贊

六年正月庚戌詔曰太宗聖文冠古仙翰入神曩於
臨御之年爰徇眾多之請眷中洲之至廣在勝境之
相望幸降德音慶頒副本朕丕承若屬恭閱惟勤輒

陳頌歎之辭。冀申孺慕之感。云云。應諸路州軍官觀
寺院名山靈跡經。賜太宗御書者。併祈以簡嘗降御
製太宗聖文神筆頌。刊石。又賜王旦以下御製御書
太宗聖文神筆頌。龍圖閣瑞物閣寶龍圖。閣六閣圖
書贊太宗御製御書目錄。龍圖閣瑞物閣瑞寶目錄。龍
圖閣書籍圖畫目錄。響石銘太湖石銘。共八軸。並石本。
從所請也。九年二月。并王宸殿記。刊石。寘諸翔鸞閣
下。癸卯。召近臣觀之。

天禧元年良歲

元良述

六藝歲

天禧二年八月甲辰。立昇王為皇太子。癸丑。上作元

良箴七言十韻詩。賜之。又作七言詩二首。分賜賓客
鮪庶子。張士以下。三年九月二十三日丙子。召宗室

近臣對清景殿。內出御製賜皇太子元良述六藝箴

各一卷。又賜承華要畧十卷。授時要錄十二卷。又以

御覽國史兩朝實錄太宗御集等書。賜皇太子。又作

七言十韻詩。賜宰臣寇準等。遂宴于殿內。十二月辛

卯。又以賜輔臣宮僚。請降副本於資善堂。以備觀覽。

太子謝表曰。為鶴禁之寵光。聳崑山之軌範。漢

禮堯門。爰增於禮秩。湯盤武几。遂著於格言。潤金壁

以為辭。並裁舒而宣曜。

崇寧景靈宮贊 宣和文宣王贊

崇寧元年四月十二日建景靈宮成作贊 宣和四年正月製文宣王贊

紹興宣聖贊 七十二賢贊

紹興十四年三月十八日己巳幸太學覽唐明皇及太祖真宗考所製贊文命有司取從祀諸贊悉錄以進二十四日乙亥御製御書宣聖贊命揭于大成殿刻石盼諸路州學上謂輔臣曰唐明皇作贊斥先聖名非是問曰尤見聖學高出帝王之上二十五年又製七十二賢贊親札刊石盼降馬二十六年亦二

贊

月戊午廷紳請放諸州郡學校從之 宣聖贊曰志則春秋道由忠恕賢於堯舜日月其譽

隆興御製贊

元年七月御製御書大士贊賜天竺寺八月二十二日御製贊誦賜宗杲 光堯御製盤松贊康壽殿生芝草光堯製贊云履正懷冲

乾道御製蘇軾文集贊

乾道元年閏正月御製蘇軾集贊其序曰成一代之文章必能立天下之大節贊曰手扶雲漢幹造化機氣高天下乃克為之猗嗟若人冠冕百代忠言讜論

不顧身害。云云敬想高風，恨不同時掩卷。三嘆播以聲詩，選德殿書賜蘇嶠。先是有詔贈軾太師。

紹熙瑞芝贊詩

元年四月乙酉，宣示宰臣以慈福宮瑞芝圖及壽皇御製贊上御製詩。及高宗御製瑞芝贊。壽皇御製詩付史館。

淳祐聖賢十三贊

萬幾餘閒博求載籍，推迹道統之傳。自伏羲迄于孟子，凡達而在上，其道行窮而在下，其教明各為之贊。元年孟春祗謁先聖，賜國子監宣示諸生。伏羲

堯 舜 禹 湯 文 武 周 孔

子思 孟子

寶祐字民訓

四年三月二十五日丙辰，御製字民訓。爾等服勞州縣，始獲脫選通籍，信難矣。學製為尤難，其律已必廉，否則墨其養民必惠，否則暴其聽訟必公，否則私其泣事必勤，否則怠往即乃封祗。若予訓邑有善狀，朝徹夕聞，表用有先朝典故，在昔子路以治蒲為難，夫子誨之以恭寬溫恕之理。三年而政成，朕之言夫子之遺意，聽之毋忽。四月六日丁卯，令吏部書于改官。

印紙閣門引見日宣示

玉海卷第三十

玉海卷三

三

丙

玉海卷第三十二

聖文

後漢王應麟伯厚甫

御製論

魏文帝典論

隋志儒家典論五卷魏文帝撰

隋志有典論一卷

文帝初在東宮著典論詩賦百餘篇集諸儒於肅成

門講論大義以素書餉孫權又以紙寫一通與張昭

明帝太和四年二月戊子刻石于廟門之外及太

學與石經並以示來世天以不願征伐也

萬曆癸未補

玉海卷三十二

論 著太宗論 本紀注載典論自叙 魏志注引典
文選載論文

唐高宗股肱論

顯慶二年六月。上製元首前星維城股肱。誠次著股肱論。令許敬宗注釋。名曰天訓。

唐元宗周易大衍論

志元宗作周易大衍論三卷

祥符勤政論

俗吏辨

祥瑞論

祥符五年八月丙午。真宗作勤政論。俗吏辨。示近臣。曰。近聞中外議者。以朝廷當總覽大事。斥去小務。以

元默為上德。以簡易為聖心。故能恢至靜之化。迺苛酷之議。且王者心稍自逸。人即受弊。若宴居中。禁為樂。然日忽在予之責。之難。外有機務。雖可屬於攸司。內有心志。其何檢於放逸。且邦家之事。刑政而已。政令一出。為安危之基。刑辟一施。有死生之法。人以為小。吾以為大。小務不親。必總於大政。大政一倦。孰思於永圖。又當謹之於始。制之於後。向所謂元默者。謂無嗜好。簡易者。謂無滋竒。卓異乎不事其事。獨樂其樂者也。又古人受命於帝庭。制治于宮次。夙夜匪懈。不得惑處。及乎晉室。始尚清談。放佚有高士之名。勤

勞得俗吏之目居官莅職當晝而忘飡宵而忘寢功名有所立富貴不為泰則小人以為俗吏國家以為蓋臣也宰相等咸請聖製出示朝堂從之長編五年八月丙午上作祥瑞論勤政論俗吏辨賜輔臣人一本因曰始聞中外有議及朝廷崇奉祥瑞躬親細務者故著此以曉之輔臣請於朝堂宣示百官詔聽近臣就中書繕寫丁謂請於國學刻石從之十月庚戌國子監孫奭等言國學先許以聖製祥瑞勤政論俗吏辨三篇刻石望特賜宸以翔從之七年四月祥瑞論六指謂明王有不祥而祗畏中人觀嘉

應而侈泰是以春秋不書其事然神祇亦以揚祖宗之烈當欽承而宣布之若恃休祺而自肆固宜戒也

祥符崇儒術論 為君難為臣不易論

祥符五年十月辛酉真宗以崇儒術為君難為臣不易二論示王旦等先是龍圖閣學士陳彭年等因奏對上謂之曰儒術污隆其應甚大國家隆替何莫由斯故秦衰則經術道息漢盛則學校興行其後命歷迭改而風教一揆有唐文物最盛朱梁而下王風浸微太宗丕變弊俗崇尚斯文朕獲紹先業謹遵聖訓禮樂交舉儒術化成實一后垂裕之所致也又曰為

君之難由乎聽受臣之不易在乎忠直其或君以寬大接下臣以誠明奉上君臣之心皆由于正直而行至公相遇此天下之達理先王之成憲猶指諸掌孰謂難哉彭年曰陛下聖言精請足使天下知訓伏願躬演睿思著之篇翰頃之以二論示彭年復請示輔臣旦等因請赴國子監刻石從之

祥符解疑論

祥符六年孫奭上言國家祠祀巡幸多用開元故事且明皇政治多缺非全德之君不可遵法十月丁丑上作解疑論示之因語左右曰國家勤稽古制止如

御論

今日之百官率多秦置豈可以秦暴而廢耶但詢之古道擇善而行何謂不可因言開元天寶政事優劣曰姚崇宗瑋真名相也明皇委之無疑誠為至當而過聽林甫國忠斯可惜也王旦曰奸邪之人誣害良善其言似忠人主難辨外人罕敢極言取禍故國忠林甫得以專橫人君若能察好陷人而自進者十可見其七八唐室危而人歸唐德者賴祖宗仁愛浸厚也趙安仁述論疏為獻

祥符皇王帝伯四論 五臣論 樂府文論

寶錄祥符八年四月四日癸丑召輔臣觀書玉宸殿

王欽若陳堯叟馮拯趙安仁預焉始觀太宗御書移
御別殿觀皇王帝伯四論良臣正臣忠臣奸臣權臣
五論幸水軒垂釣侍臣賦詩幸酉賜輔臣御製五臣
論各一本從所請也九年二月癸卯召近臣登翔鸞
閣觀太宗御書因示聖製太宗聖文神筆頌宸殿
記五臣論樂府辭上作歌詩二篇命從臣賦詩宴玉
宸殿聖製或刻石題板或朱黃書于石壁從臣祇誦
聖藻莫測淵蘊學士李維謂人曰讀五臣論大意賞
良臣而樂善人也會要觀聖製樂府文論上曰朕
者述唯以寓意豈敢工王旦曰披誦聖製伏心解

御論

伏心解

天禧思政論 會要觀銘 元符觀頌

天禧元年二月戊寅作會要觀銘元符觀頌思政論
召輔臣至龍圖閣示之仍出正說春秋要言清景殿

書事詩

庚辰中書樞密院上書蒙宣示思政論言已

較於述作專親政務望特頒厚制以廣風教九月丁
巳以御製思政論正說賜輔臣近臣從龍制李虛已
之請也詩題十事歌戒三惑守官有箴思政有論
御集有論九卷述一卷

天禧三惑論

天禧元年二月辛巳上作三惑論并歌頌畫刻板

三十三

三十三

三十三

三十三

本以賜輔臣。仁宗乾興元年八月辛亥以三感論賜輔臣。

天禧寬財利論

天禧二年七月甲戌以樞密直學士李士衡為三司使罷陝西市米募民送京師如入粟法以售鹽及羊網任民私市以足數關輔民大便說之上寬財利論以賜之又出內藏錢二百萬以助經費其年十二月庚戌士衡請刻石本廳從之。

天禧歌器論 戒酒論

天禧二年九月辛酉上作歌器論戒酒論

禧倍登詩以示輔臣乾興元年八月辛亥以歌器論賜輔臣。

慶曆危竿論 一作論

慶曆四年三月己卯帝御滿英閣出危竿論一篇遂居高謹危之意顧侍讀學士丁度等曰朕觀書之取臣僚上言及進封事有可施於政治者書以分賜卿等度嘗侍講曾公亮揚安國王洙等既拜賜因注釋其義從之。元祐六年劉摯奏仁宗所錄三十六事內危竿論聖意以為人君處至危之地譬如危竿須用正直之木古人謂邪蒿人君不可食以其名不

正况邪佞之人乎

乾道用人論

乾道五年十一月五日丁巳御書御製用又論賜室
臣陳俊卿等零云邪佞亂真比比皆是知人則哲帝
王所難哲王用人廣獨智以昭臨稽衆論而遴選擇
不厭精任不厭久後卿對選德殿詔撰用人說今
在集中與宸翰文異而指同孝宗之用人也即陸
那勞臺登縣績武優轉級職待有勲課儒生以金
角進士以弧矢嚴更迭之法以練才實躬臨遣之功
以達壅蔽朝士闢官乃除無需次之淹要郡留闕

以無經援

御製論

六年十一月乙卯御製論數百言欲幸民士用人之

弊信賞必罰之必俾朝臣宣示傳從上曰此唯欲

命臣下起事有功而已會要六年十一月一日

御製論數百言欲幸民士用人之弊信賞必罰之必俾朝臣宣示傳從上曰此唯欲

命臣下起事有功而已會要六年十一月一日

此何意迅雷臣等及中外小大之臣無不震懼七

五月一日御製良石銘跋賜雄等

淳熙原道辯

淳熙原道辯

八年御製原道辯曰以佛修心以道養生以儒治世
愈之論從其跡而已文成以示侍讀史浩浩奏曰愈
作是篇所主在帝王傳道之宗乃高世不易之論聖
學高明融會釋老使歸於儒末章乃自主分別大學
之道自物格知至至於天下平可以修心養生治世
無所處而不當何假釋老之說耶望陛下寧定末章
則善矣侍講程大昌亦言之於是易名三教論
孝宗輯敬天之圖頒恤民之詔反安南之象則旅獒
之不蓄觀御苑之麥則無逸之先知乾文參乎典謨
成言震乎河漢嘉陸贄之忠畫采崔寔之達權 製

贊以羨孝 之感作賦以闡道也 之工歌詩以發規
恆之推述診 以飭 禮足以宣其文
策貢士俞樾 負良 不 禮足以宣其文
觀 反將校砥 師也細 按軍 士足以彰其

海 邪辯 仁厚論

御

帝範序

見文

見文苑英華

唐

見賦類

製述聖教序

殿宴百僚詩序

王緯謝表手

以皇太子所寫聖製麟德殿宴百

僚詩序御製中

節詩序日月揚光風雲動色

宸湯之晨露掩

天舜之薰風鸞鳳之勢鍾王莫儔

推鐘張之筆札

此驚以飛動日月爛其光彩風

雲蔚其氣色

開云二十五年邢璣冊新羅上製詩

序太子已下及百寮

賦詩送之舊史

唐聖教

雍熙聖教序

志釋氏類元範注二帝三藏聖教序一卷太宗高宗

兩京記元奘與惠明靈潤等翻譯定六百五十七部

太宗制三藏聖教序太宗序云三藏要文凡六百

高宗為太子又為述聖記並勒碑銘置慈恩寺浮

圖永徽四年十月褚遂良書開元二十三年九月

親注金剛經及修義訣 雍熙二年十月戊午出御

製新譯聖教序賜宰臣李昉等咸平二年七月壬寅

製繼作聖教序 仁宗述三寶贊貝以冠藏錄

唐高宗東殿新書序

見承詔撰述

唐元宗道德經序

元宗道德經序掃其指歸雖蜀嚴而猶病摘其章句自河公而或畧隨意所得遂為箋註

唐元宗孝經序

見藝文孝經類

唐元宗六典序

見典故類

唐穆宗長慶宣明曆序

見曆法類

建隆應天曆序

太平興國乾元曆序

明道於文為日月並蓋以母后之臨朝也乾道九年而改謂用九之數已極純熙之易為淳避告成大武之語發號告元其謹始如此乃若晉建興同孫劉之號唐至德永泰襲陳齊之舊晉惠亡同漢號一用吳莫哀之太初晉元之建武魏孝武之永興唐肅宗之上元皆自重一代之號乾德蜀號也因官人鑑背而後知隆興偽號也因曾布日錄而後見建中靖國之紀元曾肇以唐建中為疑欲改建字為執字注伯兩亦以唐為戒而徽宗謂梁末禪位年號太平太宗不以為嫌重和犯北虜重熙之稱一年而亟改高孝

欲用炎興乾統以劉蜀北虜已用而更議此重複之嫌也至和三年而改以至道末年為忌熙寧崇寧或云同劉宋陵名宣和或云契丹宮門名其避忌又不止於重複矣然晉有立始長順之筮唐有元和咸通之兆我朝有重火之識是亦有數存焉若文王以受命之年為元年緯書之說也文王不宜改元而又改元武王宜改元而不改元歐陽子嘗辯其妄矣道家有延康赤明龍漢開皇之紀上皇無極永壽之號事不經見云

護之至是啓而觀焉辛卯發西京三月己亥至自西京三月乙巳召輔臣登太清樓觀書出御製太清樓新寫御覽書籍西京內東門太祖皇帝彈元壁二記王旦等請以副墨為賜許之甲子內出聖製太清樓新寫御覽書籍西京內東門彈元壁二月朝拜諸陵因幸西京記賜輔臣人一本四月戊辰以御製御書三記賜待制尚書侍郎等從所請也八月丁巳遣使以御製三記賜兩制館閣羣臣從其請也十月乙巳御史中丞王嗣宗等表求三記副本王旦曰陛下性與天道發為聖文中丞掌蘭臺石室書願可其奏從

之
堯沈璧于河為握河記今尚書中候是也帝王世經

祥符封禪記序

祥符元年十二月製封禪記序

祥符泰山銘記

泰山銘贊

二年五月戊午出泰山謝天書述二聖功德銘玉女像記示輔臣十月丙午以御製泰山銘贊賜丁謂等九軸因請以御製泰山銘及九天司命天齊王周文憲王文宣武成王贊於朝堂宣示百官召近臣就三司觀之帝曰此但記一時事何足宣示宰臣王旦等

御記序

固請從之尋分賜近臣翌日稱謝十一月壬子朔泰山太平頂磨崖刊聖製畢三年正月戊寅仁時作觀新製泰山銘記周備書懷五言詩賜旦等屬和

祥符宸章集序

冊府元龜序

御製游

藝集後序

見前

寶文統錄序

法寶錄

序

祥符三年四月丁巳龍制陳彭年上準詔纂歷代帝王集正位十五卷閏位十卷帝作序賜名宸章集六年八月壬申作新修冊府元龜序丁亥又出御製法寶錄序八年十月乙巳製先天紀序九年三

月巳酉作寶文統錄序

王欽若定道藏經總為目錄賜名寶文統錄

易象既備文王作乎繇辭典誥既刪

宣聖制其書序

祥符諸王唱酬詩集序

五年三月庚寅作

共四首

祥符聖祖降臨記

五年十月戊午聖祖降臨于延恩殿巳未札示中外

庚申羣臣詣崇政殿賀晁迥等請改殿名及御製銘

頌以章降格之慶詔曰可乃改延恩殿曰真游十二

月庚子御製聖祖降臨記及真游頌以示輔臣焉明

御記序

年二月丙寅召宗室觀真游聖祖降臨之迹九年

十月乙酉出聖祖篇翰等及降臨內記真紀於龍圖

閣示輔臣天禧三年六月戊申召宗室近臣等詣

真游殿觀像設仍賜御製聖祖降臨記人一匣云

實錄天禧三年三月戊午內出聖祖降臨內記四十

卷示輔臣

祥符資善堂記

祥符八年十二月辛卯制授皇子慶國公忠正軍節

度使壽春郡王九年二月十八日甲午詔元符觀太

子就學新堂宜以資善為名因製記是年四月戊戌

萬曆丁亥年

三子天三二

一三

監生俞昌宗刊

張士遜請以聖製資善堂記刻石堂壁從之皇子壽春郡王
也宗 天禧二年正月乙未朔上詣元符觀宴宗室
于資善堂辛亥宴從臣召壽春郡王府官屬預焉出
聖製資善堂記

祥符玉宸殿記

祥符九年二月癸卯召近臣于翔鸞閣示聖製聖文
神筆頌玉宸殿記五臣論樂府辭遂宴于玉宸殿刊
石翔鸞閣又作詩命從臣和 玉宸殿蓋上宴息之
所中施御榻帷帳皆黃繒為之無文飾殿東西聚書
八千餘卷上曰此惟正經史校定者小說他書不預

御記序

見景德四年
三月乙巳

御集有序八卷記六卷

慶曆觀文監古圖記

慶曆元年七月戊申朔上命圖畫前代帝王美惡之
事可為監戒者號觀文監古圖上自為記召輔臣至
迎陽門觀之 元祐五年五月范祖禹乞覽此圖

皇祐三朝訓鑿圖序

皇祐元年二月內翰李淑知制誥楊億編纂成十卷
御製序

皇祐大饗明堂記序

皇祐元年 監生俞昌宗刊

皇祐三年二月九日製明堂記序 御集有欽崇禋祀記三卷

治平資治通鑒序

四年十月甲寅翰林學士司馬光初讀資治通鑒神宗親製序面賜光令候書成日寫入又賜穎卽舊書二千四百二卷賜舊書不在此時今從帝學并書之詳見編年類

崇寧辟雍記

三年十一月御製

紹興損齋記

二十八年八月晦復古殿書御製損齋記蕩心侈日

御記序

惑心害性者罔不掃除清心寡欲者絲薄費者奉以周旋揮毫弄墨真若自如濃淡斜行茂密如意未能忘情似賢乎已朝之清燕視以自儆以漢武明皇為戒凡二百五十八字吏書賀允中請布之中外十月庚寅上謂宰執曰朕宮中嘗闢一室名為損齋屏去聲色玩好置古書經史其中朝夕燕坐亦嘗作記以自儆沈誨等請降御札以啓迪在位於是內出碑刻一石刻賜百官皆表謝又賜諸路監司帥臣及諸州學各一本上曰允中嘗於經筵問朕好道之意朕謂之曰然之所好非世俗之所謂道也治道實清靜

萬曆癸未補刊

故恬淡寡欲清心省事所謂為道日損斯與一世之
民同躋仁壽如斯而已當降出碑本賜卿等又惟此
年侈靡成風如昏祭之類至有用金玉器者不可不
戒於是降詔論中外如上旨羣臣言太宗詳知史事
聖恩政論仁宗三十五條皆著國史請宣付史館
本云十月庚寅出是記示宰執因請班于中外又以
親札付史館會要作十一月非也

高宗發為宸章雲漢昭回裁詩樂以侑禮祀刻十三
篇涵風雅之妙記損齋以明鑒戒則數百書皆道德
之辭

高宗御製翰墨志

乾道御製聖政序

紹熙 慶元

乾道二年九月御書御製光堯聖政序一云二年十

月三日製序仍書懸家政并節節請勅之祕府與

河翁大訓並傳

紹熙三年十二月四日進孝宗聖

政先二日親製序仍書賜宰臣留正 慶元六年二

月二十二日進光宗聖政翌日製序書賜參政臣深

肅並刻石祕府

紹定緝熙殿記

實祐資善堂記

實祐二年製資善堂記祖宗以仁厚為心法以問學為家法踐所以來欽若往則謹刑有銘仁厚有論曷嘗一念不本乎仁敬天有圖緝熙有記曷嘗一息不敏乎學矧予元子穎悟夙成甫佩鯨鱗良心純一善端之萌如泉如蓬迎之而充此其機也繼自今母伺好逸毋適宵人思閭閻之隱而毋為富貴所移念稼穡之難而毋為紛華所惑孝弟以為仁之本惻隱以克仁之端弦焉誦焉學之以聲禮焉書焉學之以事

則德修而罔覺習賢而自然資善之益豈淺淺哉

御製諭述

唐金鑑述

正觀二年正月庚午帝著金鑑述以示侍臣其畧曰至治未嘗任不肖至亂去嘗任賢任賢則享天下之福任不肖則罹天下之禍
 林學士范夜召與論人間疾苦帝出金鑑書曰太宗所著也御為我舉其目編摘句畧此帝曰善朕讀此凡三復乃已編冊拜曰陛下欲興王業捨此孰先言曰惟其有之是以似之本傳張蓋古大寶箴云爰

送金鏡窮神盡聖使人以心應言以行包括各體抑
揚詞令 政要太宗曰朕當保此三鏡以防已過
云金鏡述

祥符奉天庇民述

祥符三年上將祀汾陰王曰曰漢唐因巡幸行禮未
有特祭陛下為民祈福不憚擲冰上曰但與民獲休
祥於朕無憚謂近臣曰自十二月朔嘗食蔬食宰相
拜三壽上曰太祖太宗每奉郊禋皆屏昏茹朕三祀
以丘悉奉行之顧外庭不知耳東封亦自戒塗蔬食
十二月己巳遂作奉天庇民述以諭之雖壇行宮舊

路在后土廟前上曰朕未謁廟廷而輿輦儀仗先過

其前非夤恭之意遂令有司鑿路由廟後而出會要三年

十一月己巳作實錄祥符三年十二月己巳上作

奉天庇民述曰王者上承天下佑民在罄誠明而勿
貳守典訓而靡忘况邦之大事在乎接神苟或接神
而不恭何以為民而祈福

祥符奉神述

祥符四年五月乙未詔加上五岳帝號遣官奉冊六
月乙巳上作奉神述曰况惟此舉本用庇民在乎眇
躬且絕私禱尚虞率土未照此誠乃牽課成文庶幾

言志云耳七月丁亥資政殿大學士向敏中等請以
聖製奉神述刻石遂親書刻石于奉神觀九年三月
庚申丁謂請刻石于會靈觀從之書目一卷祀汾陰

遂述以論中外皇祐五年正月觀火更名集禧六
月觀成舊止西偏建一殿祠五岳名奉神殿命知制
誥蔡襄重模故本仁宗拱立命襄追讀立石東廡名神藻殿仁宗實錄

天禧欽承寶訓述

天禧元年正月辛丑朔改元謁玉清昭應宮薦獻玉
皇上冊寶壬寅上聖祖帝號己酉上太廟謚冊庚戌

御諭述

命宰相宣讀天書于天安殿遷駕

二月甲戌上作宣讀天書欽承寶訓述一臣

天禧元良述

天禧三年七月二十三日丙子合宗室近臣

貴殿內出御製賜皇太子元良述六藝箴各一卷

聖製畧十卷授時要畧十二卷又以御覽圖

寶錄太宗御集等賜皇太子命從編閱之十一月

賜輔臣元良述六藝箴各一卷承寧堂

帝覽訓戒冠履相絕又有元良箴馬與賜子

...

孫文謨佐後人 元者善之長

慶曆觀文鑒古圖述

見圖類 書目仁宗御集有觀文鑒古圖述

十六卷

仁宗康定二年即慶曆采摭前代君臣固實

可為鑒

戒者分列為圖隨事親述并序 上始黃序

慶曆

弼下迄李唐褒忠賞直 紹興五年閏二月

內實

曰朕昨日見毛剛中所進鑒古圖乃仁宗

位之初

采古入行事之迹繪而成圖復於省閣因

為鑒

慶曆危竿論

見前

皇祐歌器論後述

皇祐歌器類

四年四月庚辰御滿英閣示議

讀官先

是真宗作論上為後述以申存亡進退

之監丁

度等請宣布於外上不許

虞舜勅天之歌大禹臨民之訓成湯官刑之

制炳耀

千古若大風之安不忘危金鏡之任賢去不

肖抑其

次也 仰觀俯察而日月之代明星辰之羅

布山川

之派峙草木之主息凡物之相錯而察然不

可紊者

皆文也堯之蕩蕩不可得而名而僅可名者

又章也

夫子之言性與天道不可得而聞而所可聞者文章也然則堯之文章乃蕩蕩之所發見而夫子之文章亦性與天道之流行謂文云者必如此而後為至自伏羲所畫黃帝所名箕子所陳仲尼所箴微辭奧義意會心微仰聖人而知衆說之心天臨日鏡鼓元氣而雷域中騰百川而雨天下仁覆德載一繼明嗣睿運陶鈞於寶思英華風化馳仁聖之極擊蹈帝王之登閔德高假樂聲繼倚那功定海內刮疵剔瑕乾清坤寧以文德化天下驚濤濁浪雷動日潤夏切韶漢堯醴舜薰寶

跼運思步障申戒細札之頒皇覽之作煥乎之文大哉之言天清地明日燭月霽赫赫我宋崇雅右文藩飾萬物如歲之春乾健離文雷動淵默日暉川鏡乃武乃文樂華曾舉禮葉旁垂重雍襲熙玩心神明襟道佩德軌堯知舜繩武衣言漢倬星輝天文昭囿八表皆燭睿藻稽古六經不刊慶霄分暉温洛開奧

玉海卷第三十二

玉海卷第三十二

三十一百三十五才

